



## **XALQ DEPUTATLARI KASBI TUMAN KENGASHI Q A R O R I**

2022 - yil 30 - dekabr

VI-44-139-4-61-K/22

Kasbi tuman hokimligi

### **Kasbi tumanining 2023 yilgi mahalliy byudjetini tasdiqlash to'g'risida**

O'zbekiston Respublikasi "Mahalliy davlat hokimiyati to'g'risida"gi Qonunining 6, 24-moddalari, Byudjet kodeksining 99-moddasi, O'zbekiston Respublikasining 2022-yil 29-dekabrda "2022-yil uchun O'zbekiston Respublikasining Davlat byudjeti to'g'risida"gi O'zbekiston Respublikasi Qonuniga o'zgartishlar kiritish haqida"gi O'RQ-811-sonli Qonuni hamda O'zbekiston Respublikasi Moliya vazirligining 2022-yil 29-dekabrda 01/20-32/1021-son xatini inobatga olib, xalq deputatlari Kasbi tuman Kengashi

### **QAROR QILADI:**

1.O'zbekiston Respublikasining 2022-yil 29-dekabrda "2022-yil uchun O'zbekiston Respublikasining Davlat byudjeti to'g'risida"gi O'zbekiston Respublikasi Qonuniga o'zgartishlar kiritish haqida"gi O'RQ-811-sonli Qonuni ijro va rahbarlik uchun qabul qilinsin.

2.O'zbekiston Respublikasining 2022-yil 29-dekabrda "2022-yil uchun O'zbekiston Respublikasining Davlat byudjeti to'g'risida"gi O'zbekiston Respublikasi Qonuniga o'zgartishlar kiritish haqida"gi O'RQ-811-sonli Qonuniga (keyingi o'rinlarda Qonun deb ataladi) muvofiq, Kasbi tuman mahalliy byudjetining 2023 yil uchun daromadlari 121 300 000,0 ming.so'm, xarajatlari 237 968 090,0 ming.so'm prognoz qilinganligi hamda respublika byudjetidan ajratiladigan tartibga soluvchi budjetlararo transfertlar 116 668 090,0 ming.so'm miqdorida tasdiqlanganligi ma'lumot uchun qabul qilinsin.

3.2023 yil uchun Kasbi tumanini 2023 yil uchun tuman mahalliy byudjeti daromadlari prognozi 1-ilovaga muvofiq ma'lumot uchun qabul qilinsin.

4.2023 yil uchun tumanning tuman budjetidan hududiy byudjet mablag'larini taqsimlovchilarga ajratiladigan mablag'larning cheklangan miqdorlari 2-ilovaga muvofiq tasdiqlansin.

5.2023 yil uchun tuman byudjetiga umumdavlat soliqlaridan ajratmalar normativlari

3-ilovaga muvofiq tasdiqlansin.

Bunda, ajratmalar normativlari bo'yicha tuman mahalliy byudjeti taqsimotini o'rnatilgan tartibda Kasbi tumani bo'yicha G'aznachilik bo'linmasi tomonidan amalga oshirilishi belgilab qo'yilsin.

6.2023 yil uchun tuman mahalliy byudjetining daromadlari va xarajatlarining prognozi 4-ilova ga muvofiq ma'lumot uchun qabul qilinsin.

7.2023 yil uchun viloyat budjetidan tuman mahalliy byudjetiga ajratiladigan tartibga soluvchi budjetlararo transfertlar miqdorlari 5-ilovaga muvofiq tasdiqlansin.

Bunda, tartibga soluvchi byudjetlararo transfertlar miqdorini tuman mahalliy byudjeti daromadlari prognozi ijrosidan qat'iy nazar kamaytirishga yo'l qo'yilmasligi Qonunda belgilab qo'yilganligi ma'lumot uchun qabul qilinsin.

8.2023 yil uchun tumanning tuman budjeti zahira jamg'armasi hajmlari 2245 071 ming.so'm miqdorida belgilansin.

Tuman budjetining 2023 yil uchun zahira jamg'armalari tegishli byudjetlar tasdiqlangan umumiy xarajatlarining kamida 1,0 foizi miqdorida shakllantirilsin.

Kasbi tuman tuman budjetining ijro etishda yuqori turuvchi budjetdan ularga ajratiladigan budjetlararo transfertlarning prognozidan oshgan qismi uchun tegishli budjetlarining zahira jamg'armalar miqdorlariga aniqlashtirish kiritilmaydi.

9. 2023 yil uchun tumanning tuman budjeti shaxsiy g'azna hisobvaraqlarida turgan budjet mablag'larining yo'l qo'yiladigan eng kam miqdori 6-ilovaga muvofiq belgilansin.

10.O'zbekiston Respublikasining mazkur Qonuni bilan 2023 yilda xalq deputatlari Kengashlarini mahalliy budjetlarni boshqarishda, xususan mahalliy budjet xarajatlarini hududiy budjet mablag'lari taqsimlovchilar kesimida tasdiqlash va ularning Kengash oldidagi hisobdorligini belgilash bo'yicha vakolatlari kengaytirilganligi inobatga olinsin.

Shuningdek, 2023 yilda quyidagi soliq turlari:

a) tuman budjetiga to'liq hajmda o'tkaziladi:

jismoniy shaxslardan olinadigan mol-mulk solig'i;

jismoniy shaxslardan olinadigan yer solig'i;

jismoniy shaxslarga tegishli mol-mulkni ijaraga berishdan oladigan yillik daromadi to'g'risidagi deklaratsiyaga asosan to'laydigan, shuningdek yakka tartibdagi tadbirkorlar to'laydigan jismoniy shaxslardan olinadigan daromad solig'i;

aylanmadan olinadigan soliq;

qonunchilikda belgilangan miqdorlarda O'zbekiston Respublikasining Davlat budjetiga undiriladigan boshqa yig'imlar (bojxona organlari tomonidan undiriladigan yig'implardan, g'ildirakli transport vositalari, o'ziyurar mashinalar va ularning tirkamalari uchun undiriladigan

utilizatsiya yig'imidan, shuningdek avtotransport vositalari oynalarining tusini o'zgartirishga (qoraytirishga) ruxsatnoma berish uchun to'lovdan tashqari);

suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno;

ayrim turdagi tovarlarning chakana savdosiga doir huquq uchun yig'imlar;

qurilish materiallari bo'yicha yer qa'ridan foydalanganlik uchun soliq.

**11.** Tuman hokimining birinchi o'rinbosari (M.Jo'rayev), moliya bo'limi (A.Tursunov), Davlat soliq inspeksiyasi (J.Cho'liyev) tuman hokimligi va mas'ul bo'lim va tashkilotlar bilan birgalikda:

tegishli budjetlarni birinchi navbatda ish haqi va unga tenglashtirilgan to'lovlar, oziq-ovqat va dori-darmon hamda kommunal xizmatlar xarajatlarining rejalashtirilishini nazarda tutgan holda shakllantirish;

mahalliy budjeti prognoz ko'rsatkichlarni o'z vaqtida va samarali bajarish;

budjet mablag'laridan maqsadli va samarali foydalanish;

budjet intizomiga rioya etilishi ustidan nazorat va mas'uliyatni yanada kuchaytirish;

tegishli mahalliy budjetlarga soliqlar va boshqa majburiy to'lovlarning to'liq tushumini ta'minlash;

budjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

**12.** Tuman davlat soliq inspeksiyasi (J.Cho'liyev) O'zbekiston Respublikasi Soliq kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida budjetga undirilishi ustidan soliq nazoratini kuchaytirish;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralarini ko'rish;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

Bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratsinlar.

xatlov ishlarini samarali tashkil etish orqali yer va mol-mulk solig'ining soliq bazasini oshirish vazifasi yuklatilsin.

**13.**Tuman davlat soliq inspeksiyasi (J.Cho‘liyev), Davlat kadastrlari palatasi Qashqadaryo viloyati Kasbi tuman filiali (SH.Maxmudov) 2023 yildan boshlab yuridik shaxslar mol-mulk solig‘ini hisoblashda ko‘chmas mulklarga 1 kv.metr uchun minimal miqdorlar joriy etilganligidan kelib chiqib, tumanda mavjud soliq to‘lovchilarning mol-mulkleri maydonlarini chuqur tahlil etgan holda ushbu mol-mulklarga nisbatan soliqlarni to‘liq hisoblanishini ta‘minlasin.

**14.**Tuman davlat soliq inspeksiyasi (J.Cho‘liyev), Kon-geologiya faoliyatini nazorat qilish mintaqaviy inspeksiyasi hamda tuman hokimliklari bilan birgalikda:

noruda qurilish materiallarini qazib olish sohasida noqonuniy faoliyat olib borayotgan karyerlarni aniqlash bo‘yicha xatlovlar o‘tkazish;

xatlov natijalari bo‘yicha aniqlangan noqonuniy faoliyat olib borayotgan karyerlar faoliyatini qonuniylashtirish hamda ularni soliq bazasiga qamrab olish;

noruda qurilish materiallarini qazib olish sohasida faoliyat olib borayotgan karyerlar tomonidan qazib olinayotgan noruda qurilish materiallar hajmining soliq hisobotlarida to‘liq aks ettirilishi ustidan doimiy nazorat o‘rnatsin.

Bunda, ushbu sohada faoliyat olib borayotgan karyerlarning qazib olish hajmlarini doimiy tahlil qilib borish hamda zarur hollarda qazib olish hajmlarini aniqlashda mahalliy budjetning qo‘shimcha manbalari hisobidan “marksheydrlik” xizmatlaridan foydalanish lozimligi alohida belgilab qo‘yilsin.

**15.**Majburiy ijro byurosi Qashqadaryo viloyat Kasbi tuman bo‘limi (G‘.Aliqulov) tuman davlat soliq inspeksiyasi (J.Cho‘liyev) bilan hamkorlikda soliqlar va boshqa majburiy to‘lovlar bo‘yicha mavjud soliq qarzdorliklarini budjetga undirish yuzasidan tegishli choralar ko‘rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo‘yicha barcha kompleks chora-tadbirlar ko‘rish vazifasi yuklatilsin.

**16.**Mahalla va oilani qo‘llab-quvatlash bo‘limi (Q.Sariqov), tuman hokimligi jismoniy shaxslarning yer va mol-mulk soliqlari bo‘yicha joriy hisoblangan soliqlarni hamda ushbu soliqlardan mavjud soliq qarzdorliklarini undirish yuzasidan soliq organlariga amaliy yordam ko‘rsatsin.

**17.**Tuman davlat soliq inspeksiyasi (J.Cho‘liyev), tuman moliya bo‘limi (A.Tursunov) davlat korxonalari hamda ustav kapitalida 50 foiz va undan ortiq davlat ulushi mavjud bo‘lgan yuridik shaxslar tomonidan 2023 yilning 1 iyuliga qadar 2022 yil yakunlari bo‘yicha o‘z sof foydasining 50 foizidan kam bo‘lmagan miqdoridagi ajratmalar va davlat ulushi bo‘yicha dividendlarni 2023 yilning 1 sentabridan kechiktirmay tegishli darajadagi budjetlarga o‘tkazilishini ta‘minlasin.

**18.**Kasbi tuman irrigatsiya bo‘limi (F.Raxmatov) va tuman davlat soliq inspeksiyasi (J.Cho‘liyev) tuman hokimi bilan birgalikda tumanda sug‘orishga sarflanayotgan suv hajmlari bo‘yicha aniq hisob-kitoblar yuritgan holda mazkur iste‘mol hajmlari bo‘yicha suv resurslaridan foydalanganlik uchun soliqlarni to‘liq hisoblanishini hamda moliya yili yakuniga qadar mahalliy

budjetlarga to'liq undirib olish vazifasi yuklatilsin.

Bunda, qishoq xo'jaligi korxonalari tomonidan iste'mol qilinayotgan suv resurslari hajmlari va ushbu hajmlar bo'yicha hisoblanayotgan suv soliqlari bo'yicha doimiy tahlillar o'tkazishga alohida e'tibor qaratilsin.

**19.**Tuman ichki ishlar bo'limi (F.Asadov), tuman yo'l harakati xavfsizligi bo'linmasi (D.Suvonov), Davlat xizmatlari markazi (O'.Ahmedov) hisoblangan boj, jarima va yig'implarni o'z vaqtida o'rnatilgan tartibda budjetga undirish choralari ko'rib borsin.

**20.**Kengashning mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi:

mahalliy budjetning qo'shimcha manbalaridan foydalanish to'g'risidagi hokimlik tomonidan taqdim etilgan takliflari asosida budjet qonunchiligiga to'liq rioya etilgan holda Kengash qaror loyihasini ishlab chiqilishiga;

Kengash qarori asosida mahalliy budjetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatishga va natijalari bo'yicha tavsiyalar berishga monitoring qilishga;

Mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etadi va ushbu mablag'larning maqsadli sarflanishi ustidan nazoratni amalga oshirishga mas'ul etib belgilansin.

**21.**Tuman hokimligi:

Tuman budjeti jami xarajatlarining 5 foizi hamda shakllangan qo'shimcha mablag'larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun "Fuqarolar tashabbusi jamg'armasi"ga yo'naltirsin.

Bunda, tuman xalq deputatlari, Yoshlar ishlar agentligi, tuman hokimligi huzuridagi Jamoatchilik kengashlari hamda yangi joriy etilgan hokim yordamchilari budjet jarayonida fuqarolarning faol ishtirokini ta'minlash maqsadida aholiga keng targ'ibot-tashviqot ishlarini olib borishga mas'ul etib belgilansin;

mahalliy budjetlarning qo'shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta'mirlash ishlari olib borilayotgan obyektlar ro'yxati, shuningdek qurilish-ta'mirlash ishlarining moliyalashtirilishi to'g'risidagi ma'lumotlar har chorak yakunlariga ko'ra, keyingi chorak birinchi oyining 10 sanasiga qadar majburiy tartibda hokimlik rasmiy veb-saytlariga joylashtirib borilsin.

**22.**Tuman hokimining birinchi o'rinbosari (M.Jo'rayev), xalq deputatlari tuman Kengashi kotibiyati, tuman hokimligi, tegishli bo'lim boshliqlari:

mahalliy budjet daromad va xarajatlarining prognoz ko'rsatkichlari bajarilishi hamda soliq bazasini kengaytirish yuzasidan ko'rilgan chora-tadbirlar;

ajratilgan budjet mablag'laridan maqsadli va samarali foydalanishi yuzasidan erishilgan

natijalar bo'yicha Kengashga bir chorakda kamida bir marotaba hisobot kiritib borsin.

**23.**Tuman hokimligi Qonunda belgilangan ayrim soliqlar va to'lov stavkalari, soliq solish tartiblari hamda boshqa ma'lumotlarni ommaviy axborot vositalarida yoritilishini ta'minlasin.

**24.**Xalq deputatlari Kasbi tuman Kengashining 2021 yil 30-dekabrdagi VI-31-42-4-61-k/21-sonli qarori 2023 yil 1-yanvardan kunidan o'z kuchini yo'qotgan deb topilsin.

**25.**Mazkur qaror "Sadoqat" gazetasida rasmiy e'lon qilinsin hamda tuman hokimligining rasmiy veb-saytiga joylashtirilsin.

**26.**Mazkur qaror ijrosining nazorati Xalq deputatlari tuman Kengashining mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari doimiy komissiyasi (N.Xudoyberdiyev) hamda tuman hokimining birinchi o'rinbosari (M.Jo'rayev) zimmasiga yuklatilsin

**27.**Ushbu qaror rasmiy e'lon qilingan kundan boshlab kuchga kiradi.

**Tuman hokimi**



**T.A.Meyliyev**

Xalq deputatlari Kasbi tuman  
Kengashining  
2022 yil 30 dekabrda  
VI-44-139-4-61-K/22-son qaroriga  
1-ilova

### Kasbi tuman mahalliy budjeti daromadlarining

### 2023 yildagi asosiy prognoz ko'rsatkichlari

ming so'mda

T/R	Daromad turlari	Jami
1	Yuridik shaxslardan olinadigan foyda solig'i	
2	Aylanmadan olinadigan soliq	6 000 000
3	Jismoniy shaxslardan olinadigan daromad solig'i	63 000 000
4	Qo'shilgan qiymat solig'i	
5	Tadbirkorlik faoliyatining ayrim turlari bo'yicha qat'iy belgilangan soliq	800 000
6	<b>Aksiz solig'i, jami</b>	6 500 000
	- benzin, dizel yoqilg'isi va gaz realizatsiyasidan soliq	6 500 000
7	Yuridik shaxslarning mol-mulkiga solinadigan soliq	6 000 000
8	Jismoniy shaxslarning mol-mulkiga solinadigan soliq	5 600 000
9	Yuridik shaxslar yer solig'i	9 300 000
10	Jismoniy shaxslardan olinadigan yer solig'i	10 400 000
11	Yer qa'ridan foydalanganlik uchun soliq (noruda materiallari)	
12	Suv resurslaridan foydalanganlik uchun soliq	10 000 000
13	Davlat boji	
14	Jarimalar	
15	Ijara to'lovi	300 000
16	Davlat tashkilotlarining sof foydasidan daromad	
17	Yig'imlar	3 400 000
18	Xususiylashtirish	
19	Boshqalar	
<b>JAMI</b>		<b>121 300 000</b>
19	Tartibga soluvchi daromadlar (transfert)	116 668 090
<b>HAMMASI</b>		<b>237 968 090</b>

Xalq deputatlari Kasbi tuman  
Kengashining  
2022 yil 30 dekabrda  
VI-44-139-4-61-K/22-son qaroriga  
2-ilova

**2023 yil uchun Kasbi tuman budjetidan hududiy budjet mablag'larini taqsimlovchilarga  
ajratiladigan mablag'larning cheklangan miqdorlari**

**ming so'mda**

<b>№</b>	<b>Ko'rsatkichlar</b>	<b>Kasbi tumani</b>
	<b>Xarajatlar miqdori, Jami</b>	<b>237 968 090,0</b>
	<i>shu jumladan:</i>	
	joriy xarajatlar	<b>237 968 090,0</b>
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	<b>0,0</b>
	Tuman va shaxar mahalliy budjetlariga transfertlar	116 668 090,0
<b>1.</b>	<b>Xalq ta'limi bo'limi</b>	<b>10 694 000,0</b>
	<i>shu jumladan:</i>	
	joriy xarajatlar	10 694 000,0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
<b>2.</b>	<b>Maktabgacha ta'lim bo'limi</b>	<b>15 274 000,0</b>
	<i>shu jumladan:</i>	
	joriy xarajatlar	15 274 000,0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
<b>3.</b>	<b>Sog'liqni saqlash sohasi</b>	<b>70 362 530,0</b>
	<i>shu jumladan:</i>	
	joriy xarajatlar	70 362 530,0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
<b>4.</b>	<b>Madaniyat sohasi bo'limlari</b>	<b>1 445 000,0</b>
	<i>shu jumladan:</i>	
	joriy xarajatlar	1 445 000,0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
<b>5.</b>	<b>Jismoniy tarbiya va sport bo'limi</b>	<b>4 054 630,0</b>
	<i>shu jumladan:</i>	
	joriy xarajatlar	4 054 630,0



	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
<b>6.</b>	<b>Qishloq xo'jaligi bo'limlari</b>	<b>1 712 494,0</b>
	<i>shu jumladan:</i>	
	joriy xarajatlar	1 712 494,0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
<b>7.</b>	<b>Irrigatsiya bo'limi</b>	<b>2 337 863,0</b>
	<i>shu jumladan:</i>	
	joriy xarajatlar	2 337 863,0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
<b>8.</b>	<b>Veterinariya sohasi bo'limlari</b>	<b>965 236,0</b>
	<i>shu jumladan:</i>	
	joriy xarajatlar	965 236,0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
<b>9.</b>	<b>Aholi bandligiga ko'maklashish markazi</b>	<b>744 307,0</b>
	<i>shu jumladan:</i>	
	joriy xarajatlar	744 307,0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
<b>10.</b>	<b>Moliya sohasi bo'limlari</b>	<b>1 110 605,0</b>
	<i>shu jumladan:</i>	
	joriy xarajatlar	1 110 605,0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
<b>11.</b>	<b>O'zbekiston Respublikasi Vazirlar Mahkamasi tizimidagi sohalarga (tuman hokimligi, obodonlashtirish soxasi bo'limlari)</b>	<b>122 136 709,0</b>
	<i>shu jumladan:</i>	
	joriy xarajatlar	121 866 406,0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
<b>12.</b>	<b>O'zbekiston Respublikasi Prezidenti Administratsiyasitizimidagi sohalar(xalq qabulxonasi, axborot kutubxona bo'limlari)</b>	<b>400 144,0</b>
	<i>shu jumladan:</i>	
	joriy xarajatlar	400 144,0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0

<b>13.</b>	<b>O‘zbekiston Respublikasi Oliy Majlisi Qonunchilik palatasi tizimidagi sohalar(kengash kotibiyati)</b>	<b>191 120,0</b>
	<i>shu jumladan:</i>	
	joriy xarajatlar	191 120,0
	obyektlarni loyihalashtirish, qurish (rekonstruksiya qilish) va jihozlash uchun kapital qo‘yilmalar	0,0
<b>14.</b>	<b>Mahalla va oilani qo‘llab-kuvvatlash bo‘limi</b>	<b>6 809 755,0</b>
	<i>shu jumladan:</i>	
	joriy xarajatlar	6 809 755,0
	obyektlarni loyihalashtirish, qurish (rekonstruksiya qilish) va jihozlash uchun kapital qo‘yilmalar	0,0

Xalq deputatlari Kasbi tuman Kengashining  
2022 yil 30 dekabrda  
VI-44-139-4-61-K/22-son qaroriga  
3-ilova

### Umumdavlat soliqlaridan tuman mahalliy budjetlariga 2023 yildagi ajratmalari meyorlari

foiz hisobida

T/R	Shaxar va tumanlar nomi	Yuridik shaxslardan olinadigan foyda solig'i	Aylanmadan olinadigan soliq	Jismoniy shaxslardan olinadigan daromad solig'i	Yakka tartibdagi tadbirkorlar uchun jismoniy shaxslardan olinadigan daromad solig'i	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	Yuridik shaxslarning mol-mulkiga solinadigan soliq	Jismoniy shaxslarning mol-mulkiga solinadigan soliq	Yuridik shaxslar yer solig'i	Jismoniy shaxslardan olinadigan yer solig'i
1	Kasbi tumani	0	100	100	100	100	100	100	100	100

T/R	Shaxar va tumanlar nomi	Yer qa'ridan foydalanganlik uchun soliq (noruda materiallari)	Suv resurslaridan foydalanganlik uchun soliq	Davlat boji	Jarimalar	Yig'imlar	Davlat unitar korxonalarining sof foydasidan ajratma	Davlat mulki bo'yicha ijara to'lovlari	Xususiy tashkilotlar	Boshqalar
	Kasbi tumani	100	100	0	0	100	100	100	100	0

Xalq deputatlari Kasbi tuman  
Kengashining  
2022 yil 30 dekabrda  
VI-44-139-4-61-K/22-son qaroriga  
4-ilova

**Tuman mahalliy budjetlarining  
2023 yil daromadlari va xarajatlariing chegaraviy hajmi**

**ming soʻmda**

<b>Budjetlar nomi</b>	<b>Daromad *</b>	<b>Xarajat</b>
<b>JAMI</b>	<b>121 300 000,0</b>	<b>237 968 090,0</b>
Kasbi tumani	121 300 000,0	237 968 090,0

*\* mobil aloqa xizmatlari uchun aksiz soligʻi va alkogol maxsulotlari, shu jumladan pivo uchun aksiz soligʻidan  
tushumlar boʻyicha oʻtkazib beriladigan daromadlar bilan birgalikda*



Xalq deputatlari Kasbi tuman  
Kengashining  
2022 yil 30 dekabrda  
VI-44-139-4-61-K/22-son qaroriga  
5-ilova

**Tuman mahalliy budjetlarining 2023 yilgi yuqori budjetdan ajratiladigan tartibga soluvchi  
budjetlararo transfertlar miqdorlari**

**ming so'mda**

Shahar va tumanlar	Tartibga soluvchi transfert miqdori
<b>JAMI</b>	<b>116 668 090,0</b>
Kasbi tumani	116 668 090

Xalq deputatlari Kasbi tuman  
Kengashining  
2022 yil 30 dekabrda  
VI-44-139-4-61-K/22-son qaroriga  
6-ilova

**Kasbi tuman mahalliy budjetining 2023 yilda zaxira jamg'armasi miqdori**

ming so'mda

<b>T/r</b>	<b>Hudud nomi</b>	<b>Miqdor</b>
	<b>JAMI</b>	<b>2 245 071,0</b>
1	Kasbi tumani	2 245 071,0

Xalq deputatlari Kasbi tuman  
Kengashining  
2022 yil 30 dekabrda  
VI-44-139-4-61-K/22-son qaroriga  
7-ilova

**Kasbi tuman mahalliy budjetida**

**2023 yilda yo‘l qo‘yiladigan eng kam mablag‘lar miqdori**

ming so‘mda

<b>T/r</b>	<b>Hudud nomi</b>	<b>Miqdor</b>
	<b>JAMI</b>	<b>847 034,0</b>
1	Kasbi tumani	847 034,0